



Kalaallit Nunaanni nappaammik kræftimik akiuiniarfik  
*Kræftens bekæmpelse i Grønland*

**Ukiumoortumik nalunaarut 2014**  
*Årsberetning 2014*



## IMARISAI – INDHOLD

AALLAQQAASIUT / <i>Forord</i>	3
SIULERSUISUT / <i>Bestyrelse</i>	3-4
SIULERSUISUT ATAATSIMIINNERINI OQALUUSERISAT AALAJANGIUSSALLU / <i>Indhold og beslutninger på bestyrelsesmøder</i>	4-5
SIULERSUISUT NAAPILLUTIK ATAATSIMIINNERAT/ <i>Bestyrelsens samling til møde</i>	5
NUNA TAMAKKERLUGU KATERSUINIARNEQ / <i>Landsindsamling</i>	6-8
UKIUP SINNERRANI ATAATSIMIINNERIT <i>Bestyrelsesmøder resten af året</i>	9-10
KUJATAANI OQALOQATIGINNITTARTUNIK PIKKORISSAANEQ <i>Kursus for samtalepersoner i sydgrønland</i>	10-11
DK-MI KRÆFTENS BEKÆMPELSE-P ATAATSIMIINNE-RANI PEQATAANEQ / <i>Deltagelse på Kraftens Bekæmpelses repræsentantskabsmøde i DK</i>	12
KALAALLIT PEQQISSARTUT ILLUANNIK SULEQA-TEQARNEQ / <i>Samarbejde med det grønlandske Patienthjem</i>	12-13
QUPPERSAKKAT SAQQUMMERSITAT <i>Udgivelser af pjecer</i>	13
IMMIKKOORTORTAQARFIIT / <i>Lokalforeninger</i>	14
TAPISSUTIT LEGATIT / <i>Uddelte legater</i>	14
ANINGAASANIK QINNUTEQARFIGISAT TAPISSUTEQARTUT <i>Modtagne midler fra ansøgte fonde</i>	14



## AALLAQQAASIUT

Matumuuna Neriuffiit Kattuffianni siulersuisut saqqummiuppaat ukiumut 2014-mut nalunaarusiaq ukiup ingerlanerani Neriuffiit Kattuffiata ingerlatsisimanera aammalu nammineq piumassuseq aallaavigalugu suliniarnerup ukumi 2014-mi qanoq ingerlasimanera nalunaarutigineqassalluni.

Pisarnertut Neriuffiit Kattuffianni 2014-mi suliniarneq pisimasoqarfíulluarpoq pingaarningpaatullu immikkut taaneqassaaq nuannaarutigeqisatsinnik nuna tamakkerlugu katersuiniarnersuaq KNR-TV aqqutigalugu martsimi ingerlanneqarmat aatsaat taamatut katersuiniartarnerni isertitsitigisoqarmat.

Aningaasat isertitat taama annertutigisut siulersuisut sulinerannut akisussaaffimmik annertuumik tunisipput, tassami qanoq atorneqarnissaannut inunnut nappaammik kræftimik eqqornejartunut amerlanerpaanut anngunneqarnissaat suliniutineqassammat. Tamanna aallartisarneqarpoq siulersuisut aalajangiummassuk siunnersuisarfimmik Nuummi sanasoqarnissaanut Kræftens Bekæmpelse suleqatigilugu suliaq aallarnisarneqassasoq ukiullu 2014-p naanerani tamanna aallartilluareerpoq.

Neriupugut ukiumut nalunaarusiamik nassitsiffigisartakkagut nalunaarusiamut pissarsilluarumaartut.

Immikkoortortaqarfíit saniatigut nalunaarusiaq makkununnga nassiussunneqassaaq:

Napparsimaveqarfinnut, suliffeqarfinnut suleqatigisartakkatsinnut, Peqqissutsimut Naalakkersuisoqarfimmut Kommuninut, politikkikkut partiinut, inunnnullu ataasiakkaanut

Ukiumoortumik nalunaarut ima ilusilerneqarpoq:

Ukiup ingerlanerani siulersuisut ataatsimiittarnerannit oqaluuserisat aalajangiussallu ilanngunneqartassapput ukiumut ingerlanerani pisimasut tulleriinarneri aallaavigalugit.

## SIULERSUISUT

### **2013-mi ataatsimeersuarnermi aalajangiiffigineqarput ukiuni pingasuni tulliuttuni suliniutissat anguniagassallu ilaatigut makkuusut**

- Qaammarsaaniarneq illoqarfíkkutaartumik ingerlanneqarnerusariaqarpoq
- Anguniarneqassaaq Kræfti pillugu pilersaarummut ilaanissaq isummersoqataanissarlu.
- Makkua aamma: Neqoroorutinik annertusaanissaq, suliniutinik saqqummilaarnerunissaq, Qaraasiakkut paassisutissanik aallersinnaaneq anguniarneqartariaqarpoq.
- Aningaasaqarnermut Inatsimmut ilanngunneqarnissaq kissaatigineqarpoq.
- Ilaasortat amerlisarneqarnissaat Neriuffik sikkernerulersillugu ersarinnerulersillugulu. Napparsimalernissaq utaqqineqassangilaq ilaasortaalernissamik, SIK-.tuut Neriuffik iliuuseqartariaqarpoq ilaasortaq kisimi legatimik tunineqarsinnaalerluni.
- Ukiuni tulliuttuni pingasuni, Siunnersuisartoq sinerissami angalasussaq pilersinneqartariaqarpoq. Taassumalu pilersinnissaanut anigaasanik pissarsiortoqassaaq.

- Suliniartut allat nappaat kræfti pillugu katersuiniartartut eqqumaffigineqartariaqarput, Neriuffiullu ikinngutaasa Neriuffiup immikkoortortaqarfianut atanissaat tamatigut qulakkeerneqartariaqarpoq.

## **27.-28. april 2013-mi ataatsimeersuarnermi siulersuisunngortut sinniisussanngortullu marluk ukuupput:**

**Siulittaasoq: Sara J Brandt, Aasiaat – Siulittaasup tullia: Johanne Olsen, DK-miikkallartoq  
Aningaaserisoq Kristine S. Gedionsen, Aasiaat**

**Siulersuisuni ilaasortaq: Johan Olsen, Aasiaat – Immikkoortortaqarfinni siunnersorti**

**Siulersuisuni ilaasortaq: Helga Zeeb, Qeqertarsuaq – Oqaloqatiginnittartuni siunnersorti**

**Siulersuisuni ilaasortaq: Rasmine Hansen, Qaqortoq**

**Siulersusuni sinniisussat: Lukas Stephensen, Nanortalik – Nuka Petersen, Ilulissat**



**Saamerlerniit tunorliit: Helga Zeeb, Sara J. Brandt,  
Johanne Olsen, Johan Olsen, Lukas Stephensen  
Issiasut: Rasmine Hansen, Kristine S. Gedionsen,  
Karoline Biilmann  
Kingusinnerusukkut Nuka Petersen ilangnguppoq**

## **SIULERSUISUT ATAATSIMIINNERI**

Ukiumi 2014-mi siulersuisut arfinileriarlutik oqarasuaatikkut ataatsimiippuit imminnullu naapillutik Nuummi ataatsimiippuit ataasiarlutik.

## **SIULERSUISUT ATAATSIMIINNERINI OQALUUSERISAT AALAJANGIUSSALLU**

20. Januar 2014:

- Nittartagaq nutartigaq ammarpoq
- Nuna tamakkerlugu katersuiniarnissamut piareersaatit ingerlapput
- Immikkoortortaqarfiiit kajumissaarneqassapput nuna tamakkerlugu katersuiniarnissamut nakkaatitsiviit pisiarfinnut inissiorqququllugit

- Kræftens Bekæmpelse-miit paasiniaasoqarsimavoq Sana-p eqqaani illumik imaluunniit oqaloqatiginnittarfissamik pilersaarusiortoqarsinnaanersoq namminneq suleqataanissartik kissaatigalugu. Suliassamullu attaveqaatituu Johanne Olsen inisseeqqavoq.

**Siulersuisut imminnut naapillutik ataatsimiinnerminni makkua oqaluuseraat aalajangiullugillu:  
Ataatsimiinneq pivoq Nuummi 28. februar 2014**

Ilaatigut makku oqaluuserineqarput aalajangiiffigineqarlutillu:

- 2013-mut ukiumoortumik nalunaarusiapi oqaluuserinera aaqqissuunneralu
- Arfininngornermi 1. marts nuna tamakkerlugu katersuiniarnissami suleqataanissaq. *Siulersuisuni ilaasortat tamarmik oqarasuaatikkut katersuiniarnermi Call-centerimi unnek naallugu suleqataappat.*
- Aningaasaqarneq- ukioq 2013-mi missingersuutit qinnuteqarfissallu. *Taakua aallaavigalugit ukiumut 2014-mut missingersuutit sammineqarput, missinersuusiornelu naammassineqarluni.*
- Oqaloqatiginnittartunik pikkorissaanissaq – Piffissaq/Sumiiffissaq/Pikkorissaasussat/Maleruagassiat nutarterneqarnissaat. *Aalajangiunneqarpoq Kujataani pikkorissaasoqassasoq. Peqatigiiffinnik siunnersortip Johan Olsenip Oqaloqatiginnittartutut aalartinniarnermi najoqqutaasinnaasut saqqumiuppai ataanilu ilanngunneqarpoq aalajangiussaq.*
- Atuagaaqqat sorliit nutserneqassappat? *Siulersuisut kingorna misissuereerlutik aalajangiuppaat uku nutserneqassasut saqqummersinneqarlutillu:*  
*Aqajaqqup sanilequutaani kræfteqarneq (Bugspytkirtelkræft), Aakkut kræfteqarneq (leukæmi), Tingummi kræfteqarneq, Qilerut kipineqarpat – aliasunneq pillugu (Meeqqat Atuarfianni 3.-4.-5. klasseni atugassiaq)*

Immikkoortortaqarfinnut malittarisassatut siunnersuutaasut eqqartuiffigineri akuersissutigineqarnerilu. Tassunga atasumik una erseqqissarneqarpoq:

*Neriuffiit Kattuffiata saniatigut suliniarneq soorlu taaguut Neriuffiit Ikinngutaat suliniarfivoq ataaseq tamaasillunilu Ikinngutitut ingerlasut namminneq saniatigut ilaasortaqarsinnaanngillat Neriuffimmulli ilaasortaassalutik, tamaasilluni Neriuffik Ilaasortaqassaaq amerlanerpaanik.* Ataatsimiinnermi pingarnertut taasassaavoq oqaloqatiginnittartutut sullissinissami sinaakkutissat oqaluuserineqarneri aalajangiunneqarnerilu, taamatuttaarlu immikkoortortaqarfinnut tunngaviusumik malittarisassat oqaluuserineqarneri suliarineqaqqinnerilu.



## NUNA TAMAKKERLUGU KATERSUINIARNEQ

Ukiup 2013-p naalernerani siulersuisuni aalajangiunneqarpoq Qallunaat Nunaanni suliffeqarfik Lynge-Olsen reklame og kommunikation isumaqatigiissuteqarfingineqassasoq 2014-mi nuna tamakkerlugu katersuiniarnissap piareersarnerani ingerlanneranilu suleqatigineqarnissa.

2013-p tungaanut nuna tamakkerlugu katersuiniartarnerni isertitakkat allanngorpallaarneq ajorput ilaanni amerlanerusrarlutik ilaannilu ikinnerusrarlutik, kisiannili malunnartumik ukiuni kingullerni ikiliartornerullutik. Taamaattumik suliffeqarfik Lynge Olsen saaffiginnimmat qujarussimavarput suliutissatummi siunniussatta suliniutigerusutattalu aningaasassaqaqtinnissaat killeqaleraluttuinnartussatut nalileratsigu.

Lynge Olsen suleqatigalugu aalajangiunneqarpoq nuna tamakkerlugu katersuiniarneq ingerlanneqassasoq. Suleqataalluartoq Casper Bisgård immikkut qutsivigaarput, sularujussuaq taama ajunngitsigisumik uagutsinnullu nuannaarutaatigisumik naammasilluarmagu.

### **Nuummi Nuuk Centerimi ingerlanneqarpoq arfininngornermi martsip aallaqqaataani.**

Siulersuisut 11. december 2013 ataatsimiinneranni makkua aalajangersakkat nalunaarutigineqarput:

Nuna tamakkerlugu KNR-TV suleqatigalugu Nuummi Nuuk-Centerimi katersuiniarnissaq pisussanngortin-neqarpoq martsip aallaqqaataani 2014. Katersuiniarneq atserneqarpoq: **Kræfti unitsilli /Stop cancer.**

Nuuk Centerimi toqqaannartumik aliikkusersuisoqassaaq, pulaartoqartassaaq aporsorneqartussanik, Call-centereqassaaq Tele Greenlandip ingerlataanik namminerlu piumassuseq aallaavigalugu sulisut, ilaatigut "tusaamasat", oqarasuaatinik sianerfigineqarsinnaasut piareersimassapput, sms-ikkut tapiisoqarsinnaanera ingerlassaaq, eqqugassanik suliffeqarfifit tunnissutaannik makitsisoqartassaaq, suliffeqarfifit/suliniaqatigiffiit aningaasanik tapiissuteqarusuttut tunniussisassapput KNR-milu sulisut marluk kalaallisut qallunaatullu unnek ingerlatissavaat aammaluu kukkunersiusugut Deloitte & Touche-kut aningaasanik isertunik kisitsisuussapput. Katersuiniarnissamut aaqqissuisut assigiinngitsunik sanatitsisimapput makkuninnga:

T-Shirt-it qaqortut qernertullu, Kalaallit Nunaarput sløjfe-mik assiliartaliullugu Refleks-it.

IPhone-ip tunuanut illersuuit, qaqortut qernertullu aamma Kalaallit Nunarput Sløjfe-mik titartagartallit.

Shoppingnet, taamatuttaaq Kalaallit Nunarput assiliartaliullugu sløjfe-mik titartagartalik.

Plakat-eq aamma Kalaallit Nunaat sløjfe-mik titartagartalik.

Taamatullu aamma Sløjfeq nammineq lyserød-mik qalipaatilik

### **Unnummi katersuiniarfimmitt assit ilaat:**



### **Call-center Tele Greenlandip ingerlataa**



**Erinarsoqatigiit Qissiat aliikkusersuipput**

Juaaka aliukusersuisunik  
unnummi ingerlatsisuuvoq  
namminerlu aamma appisi-  
maarluni.



Unnuk naammassimmat aningaasat katersorneqartut:

**2.488.314,- kr**



Naggataatigut Neriuffiit Kattuffianni siulersuisut Lynge Olsenikkikkullu nuannaqalutik assilisipput.

2014-mi katersuiniarnermi unnuup katersuiniarfissap tungaanut immikkoortortaqarfinni, illoqarfinni nunaqarfinnilu Avannaani Kujataani allatigullu katersuiniarnerit ima isertitsiviusimapput, katersukkat tamaasa katillugit, sanilliullugillu siorna 2013-mi isertitat ilanngunneqarput:

Sumi	2013	2014
<b>Kujataani : Nanortalimmiit Avannaani Siorapalummut</b>	<b>601.782,17kr</b>	<b>327.913,00 kr</b>
<b>Oqarasuaatikkut katersineq</b>		<b>505.000,00 kr</b>
<b>KNR-TV-mi katersuiniarneq</b>		<b>1.654.616,00 kr</b>
<b>Ilisarnaatitalinnik tuniniaaneq</b>		<b>887.264,00 kr</b>
<b>Inuit ataasiakkaat</b>	<b>50,00 kr</b>	
<b>Katillugit</b>	<b>601.782,17 kr</b>	<b>2.869.793,00 kr</b>

Unnummi katersuiniarfiusumi soorunami aningaasartuutit aamma amerlapput ilaatigut makkununnga atorneqarsimallutik:

KNR-TV-mut akiliutit – Ussassaarutinut aningaasartuutit – Aaqqissuisunut akiliutit – ilisarnaatitalinnik sanaartortitsineq – Immikkoortortaqarfinni eqqugassatut aningaasartuutit – assigiingitsullu annikinnerusut. Taakkua akilersorneri isumagineqareermata katersuiniarnermi akiligassat tamaasa akilereerlugit sinne-qartoorutit ima annertutigipput:

**1.816.154,00 kr**

Imaappoq aningaasartuutit isertitanut tamanut naleqqiullugit 36,7%-usimapput, unnummilu katersuiniarfiusumi isertunut naleqqiullugit aningaasartuutit 27,0 % -usimapput. DK-mi Kræftens Bekæmpelsep katersuiniarneranut Knæk Cancerimut naleqqiutissagaanni taakkua katersuiniarneranni aningaasartuutit isertitanut naleqqiullugit 15%-usimapput. (Takuuk Kræftens Bekæmpelsep ukiumoortumik 2014-mut nalunaarutaani qupp. 64)

**UUMMAMMIT PISUMIK QUTSAVIGAAGUT TAPERSERSUISORPASSUIT SULEQATAANER-MIKKUT TAPIISSUTEQARNERMIKKULLU**

Nuna tamakkerlugu katersuniareernerup kingorna siulersuisut ataatsimiittarneri ingerlaqqipput makkulu oqaluuserineqarput aalajangiiffingineqarlutillu:

#### **9. april 2014:**

- DK-mi Kræftens Bekæmpelsep ataatsimeersuarnissaanut Johanne Olsenip DK-mi najugaqarallarnera iluatsillugu peqataasussatut aalajangiunneqarpoq.
- 2015-mi nuna tamakkerlugu KNR-TV aqqutigalugu katersuniarnissamik 28. februar 2015 KNR-mut Tele Greenlandimullu qinnutigineqarput.
- Tapiisummik – legatimik – nappaammik kræftimik aappassaanik eqqugaasut qinnuteqaqqissinnaalerput majillu aallaqqaataaniit tunineqaqqittalissallutik.

#### **14. maj 2014:**

- Nunatsinni nappaammik kræftimik eqqugaasut illumik siunnersuisarfiliunnissaannik suliniut aallarnisarneqarpoq DK-mi Kræftens Bekæmpelse suleqatigalugu. Aningaasaateqarfiit assigiinngitsut qinnuteqarfingineqassapput.
- Quppersakkanik ilusilersuisartup suleqatigiunnaarneqarnissaa isumaqatigiissutigineqarpoq suliat sivisuallaamik uninngatinneqartarneri pissutigalugit. Johanne DK-mi suleqatissamik ujartuissaaq.

#### **6. august 2014:**

- Kunngikkormiutut ataqqinassusillit Kunngissaq Frederik nulia Mary meerasalu Nuummiinnerannut atasumik Namminersornerusuniit qaaqqusissummik Neriuffiat Kattuffiat pivoq. Tassanilu nerersuaqataanermut peqataavoq Johanne Olsen.



- Siulittaasup tulliata Nuummiinna iluatsillugu siulittaasoq Nuuliarpooq, assigiinngitsullu eqqartugassat eqqartorneqarlutik.
- Oqarasuaatikkut siunnersuisarfimmik ammaanissaq misissuiffigineqarpoq, aningaasartutissallu missingersorneqarlutik. Aalajangiunneqarpoq oqarasuaatikkut siunnersuisarnermik ammaanissaq, tarnillu pissusaanik ilinniarsimasumik oqaloqatiginnittartussarsiornissaq.
- Immikkoortortaqarfinnik siunnersorti Johan Olsen Kangaatsiamut angalavoq nassuaallunilu.
- Nuummi immikkoortortaqarfiup aallateqqinnissaanut ataatsimiigiaqqusisoqassaaq 8. oktober Kat-tuffimmi siulittaasup tulliata Nuummiinnissaa iluatsillugu.

- Kræftimik napparsimasut angalanermanni Kangerlussuakkoortarnerat oqaluuserineqarpoq qasuer-saarfiusunnaasumillu pilersitsisoqarnissaa Naalakkersuisunut allakkatigut saaffiginnittooqarnissaa aalajangiunneqarluni. (Takuuk Ukiuumoortumik nalunaarusiamut ilanngussaq)
- Siulittaasup tulliata kalaallit peqqissartut illuanni Københavnimiittumi paasissutissiartornini nassuaatigaa.

## **KUJATAANI OQALOQATIGINNITTARTUNIK PIKKORISSAANEQ**

Nunatta Kujataani Neriuffimmi Oqaloqatiginnittartut pikkorissartinneqarput Qaqortumi ulluni: 12.-14. sept. 2014.

Peqataapput: Johanne Petersen, Paamiut, Nuka Wille, Qaqortoq, Sofie Poulsen, Nanortalik, Martha Stephensen, Nanortalik

Helga Zeeb, Qeqertarsuaq Kattuffimmi Oqaloqatinginnittartunut siunnersorti  
Inuk Borup-Nielsen Nuuk , Tarnik pissusaanik ilisimasalik Psykolog pikkorissaasoq  
Pikkorissarfik: Sulisartut Højskole-at Qaqortoq...



Pikkorissartut tamarmik uppernarsaammik tunineqarput.

Ukiup ingerlanerani Oqaloqatiginnittartunik siunnersortip oqaloqatiginnittartut ataasiakkaat oqarasuaatikkut oqaloqatigisarpai siunnersortarlugillu. Ataani atuarneqarsinnaavoq pikkorissaanermi imaqarniliaq.

### **Ukiaanerani siulersuisut ataatsimiittarneri ulluni ukunani ingerlaqqipput:**

#### **9. oktober 2014:**

- Kattuffiup naatsorsuutai 2013-meersut Deloitikkunnit kukkunersiukkat naammassipput siulersuisunilu ilaasortanut nassiussuunneqarput atsiugassanngorlugit.

- Quppersakkat nutsikkat kingulliit ilusilersorneri DK-mi naammassipput naqitertinneqassallutillu.

- Ukiorpssuarni Neriuffimmi suleqataasimasoq Ilulissaneersoq (Birthe) toqqukkut qimaguppoq. *Birthe Lundblad, Ilulissani ukiorpssuarni Neriuffimmik ingerlatissimasutut ilisimaneqarpoq tassanganngartumik qimagunneranut atatsillugu uianut Kissaatigisakkut inuullaqqusineqassaaq.*

- Kujataani oqaloqatiginnittartunik pikkorissaanermiit oqaloqatiginnittartunik siunnersorti Helga Zeep imanna saqqummiussivoq:

*Eqqartorneqarsimavoq pikkorissaanerup kingorna ukiumut pingasoriaq imaluunniit sisamariaq oqarasuaatikkut pikkorissarnikut ataatsimeeqatigineqartassasut. Taamatullu aamma eqqartorneqarsimavoq pikkorissaanermi peqataasartut ukiui eqqartorneqartariaqartut utoqqaavallaassangimmata pikkorissaanermi peqataasut, soorlu killeliiffigineqarluni qassit angullugit ukioqalereersimannginnissaq.*

*Kattuffiup naliginnaasumik akiliuttarpaa Immikkoortortamiit inuk ataaseq pikkorissaanermi peqataanissamut, kisiannili Immikkoortortat namminneq periarfissaqartuarput amerlanerusunik peqataatitsinissamut Immikkoortortap nammineq aningaasartuutit matussuserlugin, kisiannili pikkorissaanermut akiliinatik.*

*Aammattaaq Palasit pikkorissartoqartillugu peqataasarsinnaanertik assorsuaq kissaatiginarissimavaat, aammami taakkuummata napparsimasut annertuumik saaffigisartagaat. Tamaasilluni tulliani pikkorissaanissamut nalunaarfigneqassapput peqataasinnaanermut.*

*Diplomi Oqaloqatiginnittartunik pikkorissaasumut Inuk-mut nassiunneqassapput atsiortillugillu, kingusinnerusukkut pikkorissartumut uppermarsaaitiut atorneqartussanngorlugu nassiunneqassaaq. Tullianilu Kujataani pikkorissaanissaq kissaatigineqarpoq Qaqortumi pinnani illoqarfii arlaniinnissaanik, soorlu Nanortalik siunnersutigineqartoq.*

- Nuummi immikkoortortaqrifiup aallarteqqinnissaanut ataatsimiisitsinermi aggersut ikippallaarmata suliniartussanik pilersitsisoqarpoq kingusinnerusukkut aggersaaqqittussanik.


#### **19. november 2014:**

- Qallunaat Nunaanni Kræftens Bekæmpelsemeersoq Bjarne Heide Jørgensen suleqatigalugu Nunatsinni Neriuffiit immikkoortortat qanga aallartissimanersut ukiulerosorneqarput.

- Nuummi pilersinniakkamut napparsimasunik siunnersuisarfiliornissamut aningaasaateqarfik Real Dania soqutiginnilluni nalunaarsimavoq. Pileraarut annertummat pisariaqarluinnarpoq suleqatutit ornittarnissaat DK-mut. Real Daniap immikkut akuersissutigaat 400.000,- kr atorneqassasut misissueqqaarnissamut. Tassunga atasumik siulittaasoq DK-liarpooq siulittaasullu tullia peqatigalugu Kræftens Bekæmpelsesemi suleqatit oqaloqatigaat DK-milu oqaloqatiginnittarfik illu Odensemiiittoq pulaarneqarluni. DK-mi taamaattunik arfinilinnik ingerlatisoqarpoq taaguuteqarlutillu Livsrumb. Kalaallisut oqaaseq Inuuneriffik tulluartuuvoq. Ukiup tulliani 2015-mi suliap ingerlateqqinnejarnissaa tullinnguuppoq.

- Oqarasuaatikkut siunnersuisarfissap inuttalernissaa iluatippoq, inulerisutut ilinniarsimasoq sulisorilerneqassaaq sap. ak. nal. ak. marluk ammatinneqartassalluni.

Odensem "Livsrums"-t takuniarnerannit assit:



Taakkuupput ukiup 2014-p ingerlanerani siulersuisut ataatsimiinnerminni oqaluuserisimasaasa aalajangiiffigisimasaasalu ilaat. Atuarneqarsinnaasutut ukiup ingerlanerani saaffiginnissutit aalajangiiffigisassallu ikittuinnaasimannngillat siulersuisunilu sulineq imaqarluarsimalluni. Ataani ukiup ingerlanerani pisimasut ingerlaavartitallu immikkut nalunaarusiarineqarput assitalertarlugit.

### **DK-MI KRÆFTENS BEKÆMPELSE-P ATAATSIMIINNERANI PEQATAANEQ**

Ukiut tamaasa pisarnertut DK-mi Kraeftens Bekæmpelse-p ataatsimmersuarnissaminut Neriuffiit Kattuffiannit peqataasussamik ataatsimik qaaqqusivoq. Ukioq manna siulittaasup tulliata DK-mi najugaqarallarnera iluatsillugu ataatsimiinnermi peqataatinneqarpoq, qujanartuvorlu peqataatinneqartarneq suliniarnerup sunik qanorlu ingerlanneqarnera annertuumik paasisaqarfiusarmat.

Peqataanermi imaqarniliaq nalunaarummut ilanngussatut ikkunneqarpoq.

### **KALAALLIT PEQQISSARTUT DK-MI ILLUANNIK SULEQATEQARNEQ**

Kalaallit Peqqissatut Illuat, Omøgademiittoq Københavnimi Neriuffiit Kattuffianniit qanimut suleqatigineqarpoq pingaartumik Kraeftemik nappaateqalersut Kalaallit Peqqissartut Illuanni najugaqartut tapiissummik legatimik, qinnuteqarnerisigut tunineqartarnerisigullu Neriuffiit Kattuffianni allaffiup, Kalaallit Peqqissartut Illuannilu inunnik isumaginninnermik atorfilik toqqaannartumik attaveqaqatigiittarput. Siulittaasup tulliata Kraeftens Bekæmpelsemut ataatsimiigiarnini iluatsillugu Kalaallit peqqissartut illuanni ataatsimiisitsineq ingerlappaa, tassanilu oqariartuut assut ersarippoq, kissaatigineqarluni akulikinnerusumik kallaalit nerisassaannik nerisaqarsinnaaneq aammalu Kalaallit peqqissartut illuanni igasup nunatsinnut kalaallit nerisartaqaannik iganermik pikkorissartinneqarsinnaasariaqarnera.


Pingasungorneq 25/6-14 Kalaallit Peqqissartut Illuanni Neriuffiit Kattuffiata suliai suliniutaalu pillugit paassisutissiineq ingerlalluarpoq suleqatigiissutaasinjaasunillu aamma siunnersuuteqartoqarluni. Qujanaq pulaarffigisinnaagassi.

Assimi siullermi peqqissartut ilaat, aappaani Illumi sulisut.



### **Quppersakkat 2014-mi saqqummersitat:**

2014-p ingerlanerani quppersakkat sisamat saqqummersinneqarput Kræftens Bekæmpelsep quppersagaatai ukuusut Bugspytkirtelkræft/Aqajaqqup sanilequtaani kræfteqarneq - Leukæmi/Akkut kræfteqarneq – Når bånd brister, om sorg/Qilerut kipineqarpat aammalu leverkræft/tingukkut kræfteqarneq. Nutserisuovoq Else Noahsen Olsen , kukkunersiusuovoq Johanne Olsen, ilusilersuisuuppullu Stormes Grafisk. – Qilerut kipineqarpat meeqqat atuarfianni 3.-4.-5. klassenut atugassiaavoq meeqqallu atuarfiinut tamanut nassiussuunneqarluni.



## **IMMIKKOORTORTAQARFIIT**

Inuit ataasiakkaat Neriuffimmut ilaasortaasarput immikkoortortaqarfiit aqutigalugit. Ilaasortaanermik akiliutit immikkoortortaqarfiit namminneq aningaasanik kaaviaartitaminni ingerlataraat. Kattuffiuq ataatsimeersuarnerani aalajangerneqartarpooq ilaasortaanermi akiliut qanoq atsigissanersoq, ataatsimeersuarnermilu kingullermi aalajangiunneqarpoq ukiumut 50,- kr ilaasortaanermut akiliutaasassasoq, immikkoortortaqarfiillu Kattuffimmut ilaasortaanermanni 1.800,- kr-nik akiliisassasut.

Immikkoortortaqarfiit arlallit aningasaateeqarfeqarput immikkoortortaaflup ataani inissimasunik ilaqutasut angalaqataanissaannut qinnuteqarfiusinnaasoq. Ukiuni arlalinni ingerlatsisimasoq Neriuffik Aasiaat paasiniaaffigineqarsinnaavoq.

Ukiumoortumik immikkoortortaqarfinni siulittaasut oqarasuaatikkut ataatsimeeqatigineqartarput Avannaq Kujataalu immikkoortillugit.

Immikkoortortaqarfiit ukiup ingerlanerani assigiinngitsunik najugaqarfimminni pisoqartitsisarput ingerlatsillutillu:

Pingaarnertut ingerlanneqartartup ukiumoortumik nuna tamakkerlugu katersuiniarnermut peqataanerup saniatigut ilaatigut makku ingerlanneqartarput:

Ikumatitalisarluni ingerlaaqatigiinneq – nappaateqartunik naapeqatigiissitsineq – oqallitsitsineq - Kulturimik unnussiornermi peqataaneq – najugaqarfimmi paasisitsiniaaneq – peqqissaaveqarfinnik ataatsimeeqatigarnerit il.il.

## **TAPIISSUTIT LEGATIT**

Tapiissutit LEGAT-t 2014-mi nappaammik kræftimik eqqqugaasunut inersimasunut 156-nut tunniunneqarsimapput naleqarlutik 468.000,- kr. Meeqqamut ataaseq tunniunneqarsimavoq. Tunniunneqartut illoqarfik-kaartumik Nunatsinnilu kraefteqariaatsit suunerisa takussutissiarineri immikkut quppernerni takuneqarsin-naapput.

Takuuk ilanngussaq.

## **ANINGAASANIK QINNUTEQARFIGISAT TAPIISSUTEQARTUT**

Paarisamit: 201.620,- kr – Tips og Lottomit: 150.000,- kr – Quppersakkat saqqummersinerinut tapiissutit: 47.355,-kr

(Taakkua immaqa iluarsiissuteqassapput )



## **NERIUFFIIT KATTUFFIAT**

**Nappaammik kræftemik akiuiniarfik –  
Kraeftens Bekæmpelse i Grønland**

**Imaneq 41**

Box 1546, 3900 Nuuk – Mobil 49 04 89 – Fax 31 25 04

Mail: [neriuffik@greenet.gl](mailto:neriuffik@greenet.gl)

Nittartagaq: [www.neriuffik.gl](http://www.neriuffik.gl)

Facebook: Neriuffit Kattuffiat – Stop kræften – det rammer os alle  
Allaffik nalinginnaasumik suliffiup iluani ammasarpoq.